

Sarajevo, 11.12.2017. godine

OBAVIJEST ZA JAVNOST

Poziv osobama koje imaju nekretnine u Općini Orašje:

PRIJAVITE SVOJE PRAVO NA NEKRETNINAMA

*Pozivamo sve osobe koje imaju nekretnine u **katastarskim općinama Kopanice i Vidovice** da prijave svoja prava na nekretninama u Zemljišnoknjižnom uredu Općinskog suda u Orašju. Javnom objavom Općinskog suda u Orašju je dana 11.12.2017. pokrenuta procedura uspostave i zamjene zemljišne knjige. Ovim putem pozivamo sve osobe da prijave svoje nekretnine, i to najdalje do 6.2.2018. godine.*

Prijave se mogu izvršiti u Zemljišnoknjižnom uredu Općinskog suda u Orašju, na adresi **Jug I, Zaobilaznica b.b., svakim radnim danom od 09:00-15:00 sati**. Podneske je moguće dostaviti i putem pošte na istu adresu.

Sud oglasom poziva građane da u roku od 60 dana od dana objave oglasa prijave svoja prava na nekretninama zemljišnoknjižnom uredu, i tu svoju prijavu dokažu podneskom u dva primjerka. Podnesak koji se dostavlja uz prijavu je najčešće ugovor o kupoprodaji, rješenje o nasljeđivanju (original ili ovjerena kopija), odnosno isprava na osnovi koje je građanin stekao pravo vlasništva na svojoj nekretnini.

Također, pozivaju se svi vlasnici stanova i poslovnih prostora u katastarskim općinama **Kopanice i Vidovice** čije je vlasništvo bilo upisano u Knjigu položenih ugovora, da provjere prijenos svog prava vlasništva iz Knjige položenih ugovora u zemljišnu knjigu po podacima novog premjera uvidom u istu, u gore navedenim zakonskim rokovima, kako biste osigurali apsolutnu zaštitu svojih prava.

Svi upisi u zemljišnu knjigu za katastarske općine, koje su predmet uspostave ili zamjene zemljišne knjige, a u okviru "Projekta registracije nekretnina", provoditi će se bez naplate sudske takse.

Federalna uprava za geodetske i imovinsko-pravne poslove je pokrenula Projekat registracije nekretnina, u okviru kojeg se provodi usklađivanje podataka iz katastra i zemljišne knjige. Dodatne informacije o Projektu registracije nekretnina možete zatražiti putem maila: info@fgu.com.ba